

御批歷代通鑑輯覽卷之八十七

宋

高宗皇帝

丙寅 紹興十六年金皇統六年春正月行藉田禮

先是知虔州續綱目作虔州今依宋史高宗紀及秦檜傳改正薛弼字直老溫州永嘉人

言州民朽柱中有文曰天下太平年秦檜大喜乞詔付

史館于是修彌文以飾治具如鄉飲耕藉之類節節備

舉為苟安餘杭之計自此不復巡幸江上而祥瑞之奏

日聞矣

夏五月金右丞相韓企先燕京人卒

企先為金右丞相每欲為官擇人專以培植獎勸後進

虛中身膺使命日請留金
寬爾受官許典節賜既已
不忠于宋及降之降朝聘
為譏訕又復無神乎金則
其生已為可羞其死更由
自取而宋史列傳尚多褒
詞且信王倫之言許其守
節史冊毀譽失實顧若是
其不足憑耶

為己任推轂士類甄別人物一時臺諫多君子號稱賢
相。

六月金殺其翰林學士宇文虛中。

金人重虛中之才號為國師而虛中恃才輕肆好譏訕

凡見女真人輒以礪鹵目之貴人達官積不能平至是

唐古充愛

舊作唐括酬幹今改後仿此。

家奴告虛中謀反有司鞠治

無狀乃羅織虛中家圖書為反具虛中曰死自吾分至

于載籍南來士大夫家家有之翰林直學士高士談

字季

默瓊之孫

圖書尤多于我家豈亦反邪有司承順風旨并殺

士談于是虛中與老幼百口同日焚死

秋九月金劉豫死。

冬十二月金遣使如西遼。西遼殺之。

先是回紇遣使入貢于金。言耶律達什

時達什林牙已死。西方諸部仍

以達什呼之。

與其國鄰。金遣鈕祜祿哈努勒

舊作粘割。韓奴。今改。與其

使俱往。遇遼主于野。哈努勒語不遜。遼主怒而殺之。

丁卯

十七年

金皇統七年。

夏四月。金主醉殺其戶部尚書宗禮。

金主自卽位以來。委政于尼瑪哈幹布。烏珠。雖初年國

家多故。而吏清政簡。百姓樂業。旣而其戶費摩氏

舊作裴滿

氏。今改。

干政。朝官往往因之以取宰相。金主欲立繼嗣

爲后所制。心不能平。因縱酒自遣。酖怒。至于手刃侍臣。

至是宴便殿。金主被酒。彊諸王飲。不能俱逃去。金主大

怒。時惟戶部尚書宗禮在側。乃使之跪。手殺之。

五月安置饒州通判洪皓于英州

先是皓居母喪秦檜黨猶謂皓睥睨鈞衡及終喪除饒

州通判李勤又附檜

續綱目作饒州通判李勤考宋史皓本傳明言皓終喪除饒州通判

若以爲李勤官則上文除字將安所語皓作欺世飛語

責濠州團練副使英州安置

六月金殺其橫海節度使田穀

初韓企先引穀爲吏部侍郎孟浩

字浩然灤州人爲左司員外

郎銓敘得人時烏珠當國其所任刑部員外郎蔡松年

字伯堅求與穀相結穀薄其爲人拒之松年遂曰短穀

于烏珠企先卒卽出穀爲橫海節度使及是尙書省令

史許霖首告穀在吏部時爲選人龔夷鑒倒用日月事

霖亦烏珠所親信。與蔡松年構成其獄。殺穀及左司郎中奚毅。翰林待制邢具瞻。并王植。高鳳廷。王攸。趙益興。與夷鑒等。其妻子及所往來孟浩等。皆徙海上。仍不以赦原。天下冤之。

秋八月。故相趙鼎卒于吉陽軍。

鼎潛居深處。門人故吏皆不敢通問。惟廣西帥張宗元時饋糲米。會降旨。趙鼎李光遇赦。永不檢舉。且令本軍月具存亡申省。鼎遣人語其子汾曰。秦檜必欲殺我。我死汝曹無患。不爾禍及一家矣。自書墓中石。記鄉里及除拜歲月。且書銘旌云。身騎箕尾歸天上。氣作山河壯本朝。遺言其子乞歸葬。遂不食而死。天下聞而悲之。為

相專以固本為先。以為本固而後敵可圖。讐可復。惜其見忌于檜。齎志以沒。然中興賢相。鼎為稱首。鼎既卒。參知政事段拂為之嘆息。秦檜怒。遂罷拂為資政殿學士。尋落職。興國軍居住。興國軍。宋置。今為州。屬湖北武昌府。

九月。罷四川宣撫副使鄭剛中。

剛中治蜀有方略。秦檜忌之。使人求其陰事。召還。責桂

陽軍安置。未幾。四川宣撫司亦罷。

冬十月辛卯朔日食。

十二月金及蒙古和。

初。達賚既誅。其子勝花都郎君。

金史達賚傳誅達賚并殺二子。斡爾達額特布。

此勝花都郎君或其幼子。事出大金國志。金史無考。按斡爾達舊作斡帶額特布。舊作烏達補。今改。後仿此。

率其父故部曲以叛。與蒙古通。蒙古益彊。烏珠討之。連

年不能克乃與之議和割西平河

方輿紀要卽臚胸河宋紹興中金人與蒙

古利割河以北地與之卽此

考臚胸河下流與黑龍

江合蒙古在黑龍江之北則此

西平河或卽臚胸河之

下流也臚胸河

原委注見前以北二十七團寨與之歲遺牛羊米豆

且册其長鄂羅貝勒

舊作熬羅字極烈今改後仿此

爲蒙輔國王不受

自號大蒙古國至是始和歲遺甚厚

于是鄂羅貝勒自

稱祖元皇帝改元天興

十八年

戊辰

金皇統八年

春三月以秦熺知樞密院事

秦檜問勅令所刪定官胡寧

字和仲安國第三子

曰兒子近除外

議如何寧曰以爲必不襲蔡京之迹檜怒之

已而熺乞避父子共

政遂罷爲觀文殿學士兼侍讀位次右僕射尋加少保

夏四月戊子朔日食

五月放浙東副總管李顯忠于台州。

顯忠熟知西邊山川險易。因上恢復策。秦檜惡之。降官

奉祠。台州居住。

六月。金以完顏亮。

卽海陵。幹布之子。太祖之孫。本名。平章。延古。兼。兼。舊作乃。今改。後仿此。

政事。

亮爲人。慄急猜忌。殘忍任數。自以己與金主同爲太祖

孫。常懷覬望。及爲中京留守。專立威以厭伏小人。結明

安蕭裕。

本名伊徹。奚人。按伊徹。舊作遙折。今改。後仿此。

每與論天下事。裕傾險。

揣知其意。因曰。留守先太師。太祖長子。德望如此。人心

天意。宜有所屬。誠有志舉大事。願竭力以從。亮喜。遂與

謀議。及入爲右丞相。進平章。務攬持權柄。用其腹心。爲省

臺要職引裕爲兵部侍郎

是冬以亮爲右丞相亮生日金主遣近侍局直長大興國

以司馬光畫像玉吐鵲麻馬賜之斤亦附賜禮物金主聞之怒杖興國而奪回賜物亮本懷不軌疑畏愈甚

冬十月金太師都元帥烏珠卒

金自尼瑪哈死達賚博勒郭等皆有自爲之意幹布獨立不能如之何時無烏珠國勢殆矣故其國論功以爲尼瑪哈後惟烏珠一人耳

十一月竄胡銓于海南

秦檜諷司諫羅汝楫論銓飾非橫議竄新州同郡王廷

珪嘗以詩贈銓坐流辰州新州守張秉承檜旨論銓與

客唱酬謗訕怨望詔送海南編管以隸提舉湖北常平

至官一日卒

時洪皓在英州閩人倪譽爲守聞求以巧中遷官取使節欲效之卽使人伺隙捕皓

家奴寘獄中。釀成其罪。
未及發而營卒事乃解。

已巳十九年

金皇統九年十二月以後廢主亮天德元年

以春三月癸未朔日食。

夏五月金出完顏亮于行臺秋九月復召入平章政事。

金主以完顏亮為太保領三省事四月壬申夜大風雨

雷電震壞金主寢殿鴟尾有火入寢內燒幃幔金主趨

別殿避之越五日有龍鬬于榆林河水上

金史熙宗紀作利州榆林

河考利州金置元廢故城在今喀喇沁左翼東北

大風壞民居官舍瓦木人畜

皆飄颻十數里死傷者數百人五月以天變肆赦命翰

林學士張鈞草詔參知政事蕭肄

奚人

摘其語以為誹謗

金主殺鈞且問誰使為之左丞相宗賢

本名色里希卜蘇之孫按色里

舊作寶里希卜蘇舊作習不失今改

曰廸古鼎實使之金主不悅故出亮

亮過中京與留守蕭裕定約而去。九月至良鄉召還莫測其故。大恐。及至復拜平章逆謀益甚。

冬十月金主殺其弟胙王常勝等。幹布子金主弟遂殺其

后費摩氏。

金宰臣議遷遼陽渤海之民于燕南近侍高壽星等當

遷訴于費摩后。后白金主。金主怒遂杖平章政事秉德

本名伊遜右丞唐古辯。本名翁郭羅尙金主女按翁郭尼瑪哈孫舊作幹骨刺。今改後仿此。

而殺左司郎中薩哈。舊作三合今改壽星等竟得不遷秉德辯

二人怨望遂與大理卿烏達。阿里布之子按烏達舊作烏帶阿里布舊作阿魯補

今改後謀廢立烏達以告完顏亮。一日亮與辯語因問

曰若舉大事誰可立者。辯曰胙王常勝乎。問其次曰鄧

王

名頡宗傑子太祖孫

敖拉

舊作阿懶今改後仿此

亮曰敖拉屬疏安得

立辯曰公豈有意邪亮曰果不得已舍我其誰于是日

夕相與密謀護衛將軍塔斯

舊作特思今改後仿此

疑之以告費

摩后后白金主金主怒召辯謂曰爾與亮謀何事將如

我何杖之亮因此忌常勝敖拉惡塔斯會河南兵士孫

進作亂自稱皇弟按察大王而金主之弟止有常勝扎

拉

舊作查刺今改後仿此

亮乘此構常勝扎拉金主使塔斯鞫之

無狀亮曰塔斯鞫不以實遂俱殺之又殺敖拉達賚

亦鄧

王子

舊作達楞今改後仿此

金主積怒于后遂亦殺之而召胖王妃

薩茂

舊作撒卯今改後仿此

入宮繼之又殺德妃烏庫哩

舊作烏古論今

改後仿此

氏及瓜爾佳

舊作夾谷今改後仿此

氏張氏等

十二月金完顏亮弑其主直而自立。亮弑主篡立。實金之亂臣。故即位後變例書名。至金世宗既立。金統有歸亮止書名而不稱主。

護衛十人長布薩瑚圖克

後改名思恭。上京羅卜科達噶人。按布薩瑚圖克。舊作僕

散忽土羅卜科達噶。舊作老海達葛。今改正。

舊受幹布恩圖克坦

舊作徒單。今改。額

勒楚克

會寧噶瑪哈赫仙人。徙懿州。按額勒楚克。舊作阿里出虎噶瑪哈赫仙。舊作葛馬合廬申。今改。

與亮姻家。亮皆使爲內應。大興國嘗以李老僧

後賜名維忠。

屬亮得爲尙書省令史。亮度興國被杖怨望。又使老僧

結爲應興國給事。寢殿夜嘗取符鑰歸。十二月丁巳。乘

布薩瑚圖克額勒楚克內直。作變。夜二鼓興國以符鑰

啟門。亮與妹婿圖克坦貞

特赫塔拉人。按特赫塔拉。舊作忒黑闐刺。今改。

平章

政事秉德。左丞唐古辯大理卿烏達李老僧等以刀藏

衣下入宮門者以辯國壻亮又至親不疑而納之及殿門衛士始覺有變亮等抽刀劫之莫敢動遂入寢殿金主常置佩刀于榻是夜興國取刀投榻下金主求刀不得額勒楚克先進刃瑚圖克次之金主頓仆亮前手刃之血濺滿其面與衣金主既殂秉德等未有所屬瑚圖克曰始者議立平章今復何疑秉德遂與羣臣奉亮即位詐以金主欲議立后召大臣因殺曹國王宗敏左丞相宗賢以秉德爲左丞相唐古辯爲右丞相烏達爲平章政事謚費摩后爲悼平皇后廢金主亶爲東昏王大赦改元

秦檜有可殺之罪施全

曾殺檜之入其車固不必

庚午

二十年

金天德二年

春正月

殿司軍士施全刺秦檜不克檜

深論獨是檜奸邪誤國海
內切齒所欲刺刃甘心者

非止一全而高宗始終信
之而不忍去之後且畏之
而不敢去之豈非天奪其

魄乎

殺之。

檜趨朝殿前司後軍使臣

宋史兵志殿前馬步諸軍有巡教使臣

施全挾

刃于道遮檜肩輿刺之不中捕送大理檜親鞫之全對

曰舉天下皆欲殺敵人汝獨不肯故我欲殺汝也詔磔

于市自是檜每出列五十兵持長槌以自衛

金主亮尊其嫡母圖克坦氏及母大氏皆爲太后

圖克坦氏賢御下有恩與大氏相得至歡及亮弑熙宗

圖克坦氏曰帝雖失道人臣豈可至此亮銜之至是追

尊幹布爲帝廟號德宗二母俱尊爲皇太后圖克坦氏

居東宮號永壽宮大氏居西宮號永寧宮

後圖克坦氏生日酒酣大

氏起爲壽圖克坦氏后方與諸公主宗婦語大氏跪者久之亮怒而出明日召與后語者皆杖之大氏以爲不可

亮曰今日之事豈能尙如前日邪

三月以余堯弼參知政事。巫伋簽書樞密院事。遣堯弼使

金。

賀卽位也。及還。金主亮以上皇玉帶附遺于帝。其祕書

郎張仲軻

小名牛兒

曰。此希世之寶也。輕賜之。可惜。亮曰。江

南之地。他日當爲我有。此特置之外府耳。仲軻由是知

亮有南侵之意。遂每事先意逢之。

下李光子孟堅于大理獄。流之峽州。責降徽猷閣直學士。

胡寅等官有差。

光在瓊嘗作私史。其仲子孟堅爲所親陸升之

山陰人光姪婿

言之。升之訐其事。秦檜命兩浙轉運副使曹泳究實。泳